

समां - 12:25 hrs.

<><><><><><>

CM NHW Restoration

मुख्यमंत्री उमर अब्दुल्ला होंरें उधमपुर दे थरड इलाके दा दौरा लाया ते राश्ट्री जरनैली सिड़क एनएच-44 दे इस हिस्से गी ठीक करने लेई जारी कम्में दा जायजा लैता। इस मौके पर जल-शक्ति मंत्री जावेद राणा चनैनी थमां विधायक बलवंत मनकोटिया ते उधमपुर दियां डिप्टी कमीशनर सलोनी राय बी उत्थे मौजूद हियां। दौरे दरान एन.एच.ए.आई. दे जम्मू-कश्मीर क्षेत्रिय अधिकारी आर.एस. यादव होंरें मुख्यमंत्री होंरें'गी कम्में च हासल प्रगति बारें व्यापक जानकारी दिती। मुख्यमंत्री होंरें एन.एच.ए.आई गी हिदायत दिती जे ओह कम्मै दी रफ्तार गी तेज करन तां जे आम लोकें गी स्हूलत होई सकें। मगरा मुख्यमंत्री होंरें मुकामी लोकें कन्ने गल्लबात कीती ते उं'दी मुश्कलें गी बी सुनेआ।

<><><><><><>

CM Transport Bhawan

मुख्यमंत्री उमर अब्दुल्ला होंरें श्रीनगर दे बेमीना इलाके च नमें बनाए गेदे ट्रांसपोर्ट भवन दा उद्घाटन कीता। एहदे राएं इक्कै थाहै पर ट्रांसपोर्ट सरबन्धी सब्बै स्हूलतां हासल होई जाडन ते कन्नो-कन्नी जम्मू-कश्मीर च ट्रांसपोर्ट मैहकमे दा दफ्तरी ढांचा बी मजबूत होग। एह भवन इक मुख गढ़ दे तौर पर कम्म करोग जित्थे जम्मू-कश्मीर दे ट्रांसपोर्ट कमिशनर, कश्मीर दे

आर.टी.ओ, ए.आर.टी.ओ ते होरनें सरबन्धत सैक्शनें दे दफ्तर मजूद होडन। इस मौके पर मुखमन्त्री होरें पी.वी.सी पंजीकरण प्रमाणपत्रें आहली इक आधुनिक पैहलकदमी दी बी शुरुआत कीती जेहदे राहें लोकें गी गड्डिएं दी रजिस्टरी आहले पीवीसी कार्ड जारी कीते जाडन। ट्रांस्पोर्ट मन्त्री सतीश शर्मा होर बी इस मौके उत्थे मौजूद हे।

<><><><><><>

Jitendra Swasth Nari

केन्द्री मन्त्री डाक्टर जीतेन्द्र सिंह होरें आखेआ ऐ जे केन्द्र सरकार जम्मू-कश्मीर च सेहत सरबन्धी ढांचे गी होर बधाने लेई लगातार कम्म करा'रदी ऐ। उ'नें जानकारी दिती जे जे जी.एम.सी. कठुआ च टाटा कैंसर संस्थान कन्नै मिलियै कीमोथैरेपी ते रेडियेशन दी सुविधां आंदी गेइयां न, जिंदे चलदे कैंसर दे मरीजें गी राहत मिलोग। कठुआ दे नगरी इलाके च इक प्रोग्राम गी सम्बोधित करदे होई डाक्टर सिंह होरें आखेआ जे इसलै महिलाएं दी सेहत गी प्राथमिकता देना सबनें शा मता जरूरी ऐ। एह् कार्यक्रम मुख्यै भरै च “स्वस्थ नारी, सशक्त परोआर” अभियान ते 8में “राष्ट्री पोशण माह” दी शुरुआत दे सरबन्धै च करोआया गया हा। इस मौके पर मन्त्री होरें आखेआ जे इ'नें अभियानें दे तैहत पूरे मुख्यै च कैम्पें दा आयोजन करोआया जा'रदा ऐ, जिंदे राहें लोकें, खासकरियै महिलाएं गी निदान, जांच ते जागरुकता दा महत्व समझाया जा'रदा ऐ।

<><><><><><>

Itoo Swasth Nari Abhiyaan

सेहत ते डाक्टरी शिक्षा मैहकमे दिएं मंत्री स्कीना इतू होरें 16 दिनें तगर चलने आहले “स्वस्थ नारी, सशक्त परोआर” अभियान दे कल लोआए गेदे उद्घाटनी समारोह च वर्चुअल ढंगगैने हिस्सा लैता। इस अभियान गी प्रधानमंत्री नरेन्द्र मोदी होरें कल मध्य-प्रदेश दे धार थमां शुरु करोआया। इस मौके पर बोलदे होई मंत्री होरें महिलाएं दी सेहतू कन्नै जुड़े दे इस अभियान गी जम्मू-कश्मीर दे हर कोने तोहड़ी पुजाने दे निर्देश दिते। उनें पंचैत स्तर तोहड़ी सेहत सरबन्धी अमले गी एहदे च हिस्सा लैने आस्तै आखेआ, तांजे एहदे लक्ष्य गी जमीनी स्तर उप्पर बी पूरा कीता जाई सकै।



Seva Parv Agri Allied Sectors

सेवा ते सुशासन दे मंतर थमां प्रेरित केन्द्र सरकारै, प्रधानमंत्री नरेन्द्र मोदी हुंदी अगुवाई तैहत बक्ख-बक्ख खेतरें च सकारात्मक बदलावें ते तरक्की लेई अनथक जतन कीते न। अज्ज सेवा पर्व आहली इस खास श्रृंखला च अस तुसैंगी दस्सगे जे किस चाल्ली मोदी सरकारै राई-बाई दे खेतर गी बन्न-सबन्ने खेतर दे तौर पर किआं बढ़ावा दिता ऐ। अज्जै दे भारत च खेती हून छड़ी अन्न-दाने तोहड़ी गै सीमित नेई ऐ। प्रधानमंत्री नरेन्द्र मोदी हुंदे नेतृत्व च कृषि दा विस्तार सरबन्धत खेतरें च बी होआ करदा ऐ। भारत अज्ज फलें, सब्जियें ते मसालें दा सब्भनें शा मता उत्पादन करने आहले मुखें च शुमार ऐ। एह दुनिया दा सबनें शा बड़ा दुध उत्पादक देश बी ऐ, जित्थे ग्राएं च डेयरियां, समृद्धि दा जरिया बनियै उभरै करदिआं न। राश्ट्री गोकुल मिशन ज्नेही योजनां देसी चौखरें दिएं नस्लें च सुधार आहन्ना करदिआं न। मच्छी पालन दे खेतर च निर्यात 20 अरब डॉलरें गी पार करी गेआ ऐ।



CS Sewa Parv

मुख्य सचिव अटल डुल्लु होंरें “सेवा-पर्व” दी कल प्रदेश च शुरुआत कीती। एह साइबर सुरक्षा ते डिजिटल साक्षरता बारे आम लोकें गी जागरुक करने सरबन्धी इक पैहल ऐ। इस दरान जम्मू-कश्मीर दे सबनैं जिलें च सांझे सुविधा केन्द्रें दे राएं इस बारें जागरुकता फैलाई जाहग। एहदा मकसद डिजिटल साइबर ते सुरक्षित ऑनलाईन तौर-तरीकें दे बारे च लोकें गी जानकार बनाना ऐ। इस मौके पर बोलदे होई मुख्य सचिव होंरें तेजिया कन्नै बदला’रदे तकनीकें आधारित हालात बारें जागरुकता पैदा करने दी जरूरतें पर जोर पाया।



GST Reforms Textiles

मुख्य भरें दे बसनीकें ते कारोबारिणें, सरकार आसेआ हाल च कीती गेदी जी.एस.टी दिएं दरें च कटौती दी घोशणा दा बड़ा मता सुआगत कीता ऐ। अज्ज अस कपड़ा-खेतर च कीते गेदे सुधारें दे बारें च गल्ल करै करने आं। अगली पीढ़ी दे जी.एस.टी सुधारें तैहत कपड़ा उद्योग च कीती गेदी टैक्स कटौती ने आम माहनुयें पर पौने आहले माली बोझ गी घट्ट करी दिता ऐ। दस्ती बनावे जाने आहले टल्लें पर हून जी.एस.टी 18 फीसद दे बजाय 5 फीसद लगगा करग जिसलै के धागें पर जी.एस.टी दी दर गी 12 फीसद शा घटाइयै 5 फीसद कीता गेआ ऐ। कपड़ा खेतर च टैक्स दिएं दरें गी युक्तिसंगत बनाने कन्नै मेद ऐ जे लागत घट्ट होग, मंग बधोग ते निर्यात बधडन। तोआई ढाई जहार रपें तगर दे रेडीमेट कपड़ें पर जी.एस.टी दी दर गी घटाइयै 5 फीसद कीता गेआ ऐ। इस सरबन्धें च मीडिया कन्नै गल्ल करदे होई कपड़ा खेतर दे इक

कारोबारी नै सुशील गरोडिया होरें इस गैंह दा सोआगत कीता ते आखेआ जे इस गैंह कन्ने
कपड़ा खेतर दे कन्नो-कन्नी देसै दी अर्थबवस्था गी बी बढ़ावा मिलोग।

<><><><><><>